



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁL

Komunikadu Imprensa

20 Dezembru 2012

PN Hala'ó Sesaun Solene ba Soudozo Nino Coni Santana

Parlamentu Nasionál iha 19 Dezembru 2012 hala'ó sesaun solene ba ruin Soudozu Libertasaun Nasionál Komandante em Xefe Antonino Coni Santana “Nino Coni Santana” hamutuk ho soudozu nain 5 seluk, Hermengildo Alves “Busa”, Cesar “Maulaka”, Anibal de Araújo “Maucoli”, Artur Nascimento “Budu”, no Oscar Leopoldino “Manukei”.

Parlamentu rasik iha 18 Dezembru 2012, aprova uluk ona rezolusaun ida hodi rekonese Nino Coni Santana nu'udar Komandante em Xefe ba Libertasaun Nasionál.

“JSMP haree katak estadu presija duni fó honra ba soudozo Nino Coni Santana ho soudozu nain 5 seluk, tanbá matebian sira ne'e nu'udar figura libertador ne'ebé dedika ona aan tomak ba luta libertasaun nasionál ho responsabilidade ne'ebé bo'ot no risku iha momentu rezistencia,” dehan Diretór JSMP Luis de Oliveira Sampaio.

Konsiderasaun no rekoñesimentu sira hanesan ne'e importante atu dignifika no valoriza di'ak liu tan heroi sira nia luta inklui atu hatuur lolos istoria ba iha jersaun sira.

Seremonia sesaun solene ida ne'e hetan partisipasaun husi Prezidente da República Taur Matan Ruak, Primeíru Ministru Kay Rala Xanana Gusmão ho membru governu hotu, korpus diplomatiku no familia husi soudozu nain 6.

Atu hetan informasaun kle'an liu tan favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline : 3323883

www.jsmp.tl